

würst dasselbig allzeit eben in gleicher weis; können geprauchē: sintemal es alle zeit eyn theyl von der tugend der jenigen substanz hat/mit welcher es eyn weil ist vermischet gewesen: vnd mag also eynmal oder trei zu dergleichen einbeyhungen gepraucht werden. Wann das Recipientglas voll ist / vnd du dasselbige hinweg thun wilt/soltu eynanders neinen/ dasselbige mit lauterem klarem Wasser bis inn die helffte füllen / vnd also an statt der ersten vntersetzen. Bis inn die helffte füllen/ heys ich vonwegen des Empyreumatis das ist des Brands/ oder sonst eynes anderen prästen halben / welches das Oele vonwegen der strengen ebullition hette vileicht mögen empfangen: durch welches gemelte Empyreuma das wasser mag jederzeit corrigirt oder verbessert/vnd das öl desto länger on eyniges verdampfen behalten werden. Solches möchte gleichwol auch auff dise bequeme weise geschehen/ als wann du das Recipientglas inn eyn Becken stellest / vnd es bis inn die helffte mit frischem Wasser füllen lassest. Solches Wasser aber soltu alle stunde eynmal so lang / weil das distilliren geht/ verändern/ vnd allwegen eyn frische drein giessen lassen. Desselbigen gleichen magstu wol auch / so du es anderst würst für nutzlich befinden / das Recipientglas/ inn welches das Oele fließt/eynmal oder zwey abwächßlen / vnd sehen was doch für eyn sonderer vnterscheid seie/ zwischen eynem jeden solchen gedistillirten Oele. Wann die distillation verbracht hast (welches dann auß oberzetztem Merckzeychen must erkennen) soltu das Oele von dem Wasser/wie ob angezeygt / scheidnen. Eben zu derselbigen zeit/ oder ja vor allen andern dingen/soltu das Retortglas vom feuer im Ofen abheben/ vñ den langen Schnabel widerum zerlegen / darnach die hand inn den Retortenbauch stecken/ die Trusen sampt anderer vnreynigkheit heraus ziehen/dieselbige eyn gute weil mit Wasser waschen/vnd durch eyn Seygtuch pressen / abermals auff neue vnd so lang lochen vnd siedn/bis das es wie eyne brü darauß lauffe. Solche brü soll eben für dieselbigen krankheiten gut sein/für welche man das Oele selbs auch pflegt zugeprauchen. Auff dise weise wird das Oele auß Gayacholz auch distillirt: soll also eyn sonder trefflich Oel sein für die offne schäden vnd grosse schmerzen der Frankosen.

Eschenholzöle vbergelegt / ist eyne fürtrefflich arzenei wider die kalte Glichsucht/es zutheylet den prästen der haut/Morphæa genant: ist gut für die läme. Solches Oele durch den Mund eingenoßten / ist eyne herzliche arzenei denen personen so mit der Weilsucht geplagt sein. Weckholterholzöle würd innsonderheit gelobt/die Niren vñ die Mutter damit zustärcken.

Das LXXXII. Capitul.

Welcher massen man das Oele auß fließenden vnd weychen Gummi extrahiren soll.

Wann du wilt Oele auß Gummi distilliren/soltu es eben inn solchen Brennofen vnd Kolbenglas thun / inn welchem du vorhin das Oeltragend holz gedistillirt hast: aber die warheit zureden/solches extrahiren mag ohne mühe vñ arbeit vonwegen / das sie schmußige anklabende zähe oder viscolitatem haben/eynes weges geschehen:dann auß solcher zähe kan das humidum radicale vnbeschwert/vnd one sonder geschicklichkheit nicht extrahirt werden / Item was noch mehr ist / man hat eben gleich so vil weise vnd form die Oele auß Gummi zudistilliren/ als mancherley der Gummi selbs ist: dann etliche Gummi oder Harz sein flüssig / das ist / eynner solchen zähen vñ schleimigen substanz / welche selten vnd schwärlich mag innerhalb seinen borden pleiben/vnd erhalten werden: solcher art ist der Terpentin/ Styrax liquidum, vnd ander dergleichen Harz mehr/welche vil mehr lüfftiger / dan eynner Irdischen art vnd natur/darinn resolviren sie sich auch desto leichter/ vñ dazu bei eynem Kolfeuerlin: Das ander Gummi vnd Harz/ als Weirach/ Benioin/ Mastix/ sein hart/vñ begeren eyn mittelmaßiges feuer/wann man sie soll erweychen lassen. Etliche als Mirrhen vnd das A. a.

Distillirt Aquae vite auf zu heben.

Den brand geschmack zu wehren.

Nach der distillation die Kolben zureynigen.

Distillirt Gayacholz.

Distillirt Eschenholz.

Distillirt gummi inn brennglas fern/darinn holzöl distillirt worden. So mancherley gummi/ so mancherley distillirungsweis.